

Praza do Concello, s/n
Teléfono 981 70 41 00
15100 CARBALLO
A Coruña



A.P.B.

Don José Villán Fuertes, Secretario do Concello de Carballo – A Coruña

CERTIFICO:

Que a Xunta de Goberno Local, en sesión ordinaria celebrada en data 25 de abril de 2016 adoptou, entre outros, o seguinte acordo:

"9.- CONVENIOS

9.1.- Convenio marco de colaboración entre a Administración Xeral da Comunidade Autónoma de Galicia, a través da Consellería de Medio Ambiente e Ordenación do Territorio e a FEGAMP, en materia de xestión de residuos e aparellos eléctricos e electrónicos. (CONV. 04/2016). Adhesión.

Vista a proposta 4/2016 S-CONVENIOS do Concelleiro delegado de Obras e Servizos, do 21/04/2016, en uso das competencias delegadas por Decreto da Alcaldía 1938/2015 dó 16 de xuño, a Xunta de Goberno local, por unanimidade dos seus membros (7), acorda:

A adhesión do Concello de Carballo, ao Convenio marco de colaboración entre a Administración Xeral da Comunidade Autónoma de Galicia, a través da Consellería de Medio Ambiente e Ordenación do Territorio e a FEGAMP, en materia de xestión de residuos e aparellos eléctricos e electrónicos, asinado o 30/03/2016, cuxo clausulado se transcribe a continuación:

"CLÁUSULAS

I- Obxecto e orzamento da actuación

a) Obxecto

Este convenio ten por obxecto dotar aos puntos limpos de titularidade municipal e supra-municipal de Galicia do equipamento para a recollida e clasificación de Residuos de Aparellos Eléctricos e Electrónicos (RAEE) que se indica a continuación:

- Medios para a pesada dos RAEE recollidos
- Marquesñas para o almacenamento dos RAEE
- Barreiras de estanquidade e beirís perimetrais
- Cartéis distintivos correspondentes ás distintas fraccións de RAEE

b) Orzamento estimado

O orzamento estimado do investimento ascende á cifra de 536.979,85 €, IVE incluído.

Aos efectos orzamentarios, as anualidades do investimento previsto son:

EXERCICIO	ORZAMENTO	IVE	TOTAL	FINANCIAMIENTO
2016	252.066,00 €	52.933,86 €	304.99,86 €	
2017	191.719,00 €	40.260,99 €	231.979,99 €	
TOTAL	443.785,00 €	93.194,85 €	536.979,85 €	80% FEDER 2014-2020

As anteriores previsións da programación económica poderán ser revisadas pola Consellería de Medio Ambiente e Ordenación do Territorio durante o desenvolvemento da actuación, dando coñecemento dos cambios, no seu caso á Comisión de Seguimento prevista na Cláusula VII.

Os compromisos de carácter económico determinaranse sobre a base do custo real da actuación de conformidade coa Cláusula IV deste Convenio. O importe total do investimento dependerá dos custos reais incorridos pola Consellería.

II.- OBRIGAS DAS PARTES

a) Obrigas da Comunidade Autónoma de Galicia, a través da Consellería de Medio Ambiente e Ordenación do Territorio.

1.- Levar a cabo todas as actuacións precisas para a licitación, adjudicación e execución dos contratos precisos para o cumprimento do obxecto do convenio, axustándose ao Real Decreto Lexislativo 3/2011, do 14 de novembro, polo que se aproba o texto refundido da Lei de contratos do sector público.

2.- Comunicar á FEGAMP a adhesión de cada Entidade local que se produza.

3.- Intercambiar coas Entidades locais e a FEGAMP, canta información sexa de interese para o desenvolvemento e seguimento das actuacións previstas no presente convenio.

b) Obrigas da Federección Galega de Municipios e Provincias

1.- Trasladar ás Entidades Locais o presente convenio e promover a súa adhesión ao mesmo.

2.- Colaborar coas Entidades Locais e coa comunidade autónoma, na mellora da eficacia da recollida selectiva de RAEE.

3.- Intercambiar coa Consellería de Medio Ambiente e Ordenación do Territorio e coas Entidades Locais canta información sexa de interese para o desenvolvemento e seguimento das actuacións previstas no presente convenio.

c) Obrigas das Entidades Locais

1.- Permitir á Consellería de Medio Ambiente e Ordenación do Territorio o libre acceso ás instalacións do punto limpo de que se trate e permitirlle realizar cantas actuacións sexan precisas para o cumprimento do obxecto do convenio.

2.- A renuncia expresa a exixir calquera taxa, canon ou imposto de carácter local con motivo das actuacións obxecto deste convenio.

3.- O compromiso de asumir, unha vez rematadas as actuacións e, previa comunicación da Consellería de Medio Ambiente e Ordenación do Territorio da Xunta de Galicia, o mantemento e conservación dos subministros.

4.- Poñer en marcha, de conformidade co disposto no Real Decreto 110/2015, as medidas necesarias para lograr unha mellora continua do reciclado de RAEE e garantir a correcta integración da recollida selectiva de RAEE no ámbito da xestión dos residuos municipais.

III.- FINANCIAMENTO

1.- Para a execución dos compromisos asumidos pola Comunidade Autónoma de Galicia, reservaranse con cargo á aplicación orzamentaria 07 03 54D 623.1 a cantidade de cincocentos trinta e seis mil novecentos setenta e nove euros, con oitenta e cinco céntimos #536.979,85 €#, coa seguinte distribución anual:

- Exercicio 2016: 304.999,86 €

- Exercicio 2017: 231.979,99 €

2.- Este esquema de financiamento poderá axustarse se, como consecuencia das necesidades dos municipios adheridos, o crédito inicial non resulta suficiente para dar cumprimento ao obxecto do convenio en cuxo caso, se deberá formalizar a correspondente Addenda ao presente Convenio onde se modificará o importe inicialmente establecido.

IV.- COFINANCIACIÓN CON FONDOS EUROPEOS

O obxecto deste convenio cofinanciaranse pola Unión Europea a través do Fondo Europeo de Desenvolvemento Rexional (FEDER) nun 80% no marco do Programa Operativo Feder Galicia 2014-2020. A actuación enmarcarse dentro do Programa Operativo no eixe prioritario 6 "conservar e protexer o medio ambiente e promover a eficiencia dos recursos", prioridade de investimento 6.1. "O investimento no sector dos residuos para cumplir os requisitos do acervo da Unión en materia de medio ambiente e para abordar as necesidades, determinadas polos Estados membros, unha inversión que vaia máis alá de ditos requisitos", obxectivo específico 6.1.1. "Desenvolver a separación, recollida selectiva e

tratamento de residuos, incluíndo as accións de peche de ciclo; contemplando tanto os plans de xestión como os investimentos en infraestructuras".

V.- CUSTO DO INVESTIMENTO

a.- Entenderase por custo do investimento o importe que representa o custo total das subministracións, unha vez determinadas as necesidades reais de equipamento dos puntos limpos das entidades locais adheridas.

b.- Para a determinación das necesidades reais de equipamento seguiranse o seguinte procedemento:

1.- Adherida a entidade local, a Consellería de Medio Ambiente e Ordenación do Territorio, a través dos técnicos que se destinen ao efecto, emitirá informe no que se especificará, á vista das características do punto limpo de que se trate, o equipamento que, estando comprendido no obxecto deste convenio, sexa necesario subministrar no punto limpo. No informe especificarase o custo estimado que derive do subministro do citado equipamento.

2.- O secretario xeral de Calidade e Avaliación Ambiental, atendendo ao informe citado no parágrafo anterior, ditará a resolución na que se determinará o equipamento a subministrar e co custo estimado da súa subministración.

Contra a resolución anterior, poderá interpoñerse recurso de alzada ante a Consellería de Medio Ambiente e Ordenación do Territorio no prazo dun mes contado a partir do día seguinte ao da notificación da resolución, de conformidade co establecido nos artigos 107.1, 114 e 115 da Lei 30/1992, do 26 de novembro, de réxime xurídico das administracións públicas e do procedemento administrativo común.

c.- As actuacións precisas para a dotación dos puntos limpos serán executadas directamente pola Consellería de Medio Ambiente e Ordenación do Territorio.

VI.- PROCEDIMENTO DE ADHESIÓN DAS ENTIDADES LOCAIS

1.- Poderán solicitar a adhesión ao presente convenio as entidades locais que disponen dun punto limpo de titularidade municipal ou supra-municipal construído amparo do Decreto 4/2005, do 13 de xaneiro, sempre que, antes do 31 de decembro de 2016, estean en disposición de reunir as seguintes características:

a.- Esteán autorizadas para a xestión do punto limpo, ou en trámite de obter a pertinente autorización. No caso de que a entidade local optara por externalizar a xestión do punto limpo, a adxudicataria do servizo deberá contar coa pertinente autorización de xestión.

b.- Esteán adheridas ao Convenio Marco de colaboración entre a Consellería de Medio Ambiente, Territorio e Infraestructuras de Galicia e ás Entidades Locais Xestoras dos Sistemas Colectivos de Responsabilidade Ampliada do Produtor de Resíduos de Aparatos Eléctricos e Electrónicos, vixente.

c.- Non ter sido obxecto de sanción firme en vía administrativa por deficiencias na xestión do punto limpo no último ano, e en caso de selo, ter subsanado as deficiencias a consecuencia das cales se lle impuxo a sanción.

2.- As entidades locais que voluntariamente decidan adherirse ao presente convenio, deberán comunicar, no prazo dun mes dende a sinatura do presente Convenio, a decisión da Comunidade Autónoma de Galicia de xeito fidedigno e asinar un Acordo de adhesión-segundo o modelo que se achega como Anexo I- no que expresamente se acepten todas as condicións do presente convenio. O presente convenio entrará en vigor para as Entidades Locais que voluntariamente se adhiran o mesmo día da sinatura por estas do Acordo de adhesión.

3.- A comunidade autónoma informará á FEGAMP das adhesións que se produzcan, no prazo máximo de 15 días hábiles dende a formalización as mesmas.

VII.- COMISIÓN DE SEGUIMENTO

Para velar polo cumprimento do estipulado, constituirase unha comisión paritaria de seguimento da execucións do convenio, formada por dous representantes da Consellería de Medio Ambiente e

Ordenación do Territorio e dous representantes da Federación Galega de Municipios e Provincias, que actuará como órgano de vixilancia, seguimento e control do establecido neste convenio, promovendo, se o considera adecuado, outras actuacións que poidan enriquecer o seu desenvolvemento.

A composición da comisión será a seguinte:

- Pola Consellería de Medio Ambiente e Ordenación do Territorio, a persoa titular da Secretaría Xeral de Calidade Ambiental ou persoa en quen delegue, e a persoa titular da Subdirección Xeral de Coordinación Ambiental, ou persoa en quen delegue.
- Dous representantes da FEGAMP.

VIII.- MODIFICACIÓN, VIXENCIA E DURACIÓN

O convenio poderá modificarse, mediante a subscrición dunha Addenda ao mesmo, polas seguintes causas previstas:

- Pola necesidade de aumentar a dotación orzamentaria prevista na Cláusula I, tras determinar as necesidades reais de equipamento das entidades locais adheridas conforme a Cláusula V.
- Pola necesidade de ampliar o prazo de execución do mesmo, para a correcta realización da totalidade do seu obxecto.
- Para dar cumprimento aos principios de sustentabilidade financeira e estabilidade orzamentaria, reducindo o volume das obrigas asumidas pola Consellería de Medio Ambiente e Ordenación do Territorio ou ampliados os prazos de execución previstos neste convenio.

Entenderase que concorren causas económicas que xustifican a modificación cando se produza unha situación de diminución dos ingresos recadados respecto ás previsións dos orzamentos aprobados.

Tamén se considerará que concorren causas económicas cando:

- Se adopten medidas derivadas dun plan de axuste aprobado de acordo coa normativa vixente de estabilidade orzamentaria polas autoridades competentes.
- Se adopten medidas legais de axuste que determinen a modificación do Convenio.
- Sexa necesario efectuar unha modificación orzamentaria que afecte ás partidas coa que se financian as prestacións a contratar como consecuencia deste Convenio, para atender os servizos públicos esenciais, entendendo por tales a sanidade, servizos sociais, atención de emergencias, etc.

Estas modificacións deberán formalizarse mediante a susbscripción dunha Addenda ao Convenio.

O presente convenio marco entrará en vigor o día da súa sinatura e a súa duración será ata o 31 de decembro de 2017.

IX.- RESOLUCIÓN ANTICIPADA DO CONVENIO

Son causas de resolución do presente convenio de colaboración as seguintes:

- a.- Por incumprimento grave do seu contido ou das obrigas das partes, sen prexuízo da elixibilidade dos danos e responsabilidades imputables ao causante.
- b.- Por mutuo acordo

X.- REXIME XURÍDICO

Conforme ao establecido no artigo 4 do Real Decreto Lexislativo 3/2011, de 16 de novembro, polo que se aproba o Texto Refundido da lei de contratos do sector público, este convenio está excluído do seu ámbito de aplicación, sendo de aplicación os seus principios para resolver as dúbidas e lagora que puidesen presentarse. Este Convenio ten natureza administrativa. Sen prexuízo das funcións da comisión de seguimento, o coñecemento das cuestións litixiosas que poidan xuridir en tomo á súa interpretación, aplicación, modificación, resolución e efectos corresponderá á xurisdición contencioso-administrativa. Calquera variación das cláusulas establecidas no presente convenio terase que consignar necesariamente por escrito, carecendo de toda eficacia ou validez ata o cumprimento deste requisito.

XI.- PUBLICIDADE

Este convenio de colaboración será obxecto de publicación na páxina web oficial correspondente, coa expresión da súa contía e finalidade, de acordo co disposto na Lei 4/2006, do 30 de xuño, de transparencia e boas prácticas na Administración pública galega, e no Decreto 126/2006, do 20 de

xullo, polo que se regula o Rexistro de convenios da Xunta de Galicia. Neste sentido, as partes prestan expresamente o seu consentimento para que se lles dea ao presente convenio a publicidade esixida.

Así mesmo, na licitación e execución dos contratos precisos para o cumprimento do obxecto deste Convenio, deberán cumplirse, as obrigas esixidas pola normativa comunitaria nas distintas actividades de información, publicidade e comunicación, nos termos previstos no Regulamento (UE) nº 1303/2013 do Parlamento Europeo e do Consello do 17 de decembro de 2013, polo que se establecen disposicións comúns relativas ao Fondo Europeo de Desenvolvemento Rexional, ao Fondo Social Europeo, ao Fondo de cohesión e ao Fondo Europeo Marítimo e da Pesca, e se derroga o Regulamento (CE) núm. 1083/2006 do Consello, e especialmente o adxudicatario dos contratos terán en conta do seu anexo XII as responsabilidades determinadas respecto da información e comunicación sobre o apoio procedente dos fondos europeos dispostas no apartado 2.2 relativo ás medidas de información e comunicación dirixidas ao público; e no Regulamento (UE) núm. 1301/2013 do Parlamento Europeo de Desenvolvemento Rexional e sobre disposicións específicas relativas ao obxectivo de investimento en crecemento e emprego e polo que se derroga o Regulamento (CE) núm. 1080/2006; así como no que se dispóna na normativa de desenvolvemento e execución destes regulamentos como o previsto no Regulamento de execución (UE) núm. 821/2014 da Comisión do 28 de xullo de 2014, polo que se establecen disposicións de aplicación do Regulamento (UE) núm. 1303/2013 do Parlamento Europeo e do Consello no que se refire ás modalidades concretas de transferencia e xestión das contribucións do programa, a presentación de información sobre os instrumentos financeiros, as características técnicas das medidas de información e comunicación das operacións, e o sistema para o rexistro e o almacenamento de datos."

E para que conste, para os efectos oportunos expido o presente certificado coa reserva establecida no art. 206 do R.O.F., de orde e co visto e prace do Sr. Alcalde, en Carballo o vinte e seis de abril de dous mil dezaseis.

V. e Pr.
O Alcalde



